

ओल्यू आप री आवे मारा सतगुरु,  
याद आपकी आवे जी,  
याद करू जद रेवो हिरदा में,  
पल पल याद सतावे जी ॥

चेत में चिंता गणि लागी,  
गुरु बिना कोन मिटावे जी,  
ओर दवाई काम नही आवे,  
शब्दा से रोग कट जावे जी ॥

बैशाख में भंवरा ज्यूँ भटकूँ,  
बाग नजर नही आवे जी,  
खिल रिया फूल छिटक री कलिया,  
भंवर वासना लेवे जी ॥

जेठ महीनों ऋतु गर्मी की,  
जल बिना जीव दुःख पावेजी,  
आप गुरु जी मारे इंदर सामना,  
अम्रत बूंद बरसावे जी ॥

आसाढ़ में आशा गणि लागी,  
पपयो शोर माचवे जी,  
आप गुरु सा अम्रत बूदा,

भर भर प्याला पावे जी ॥

सावन में सायब घर आया,  
सखिया मंगल गावे जी,  
सोना का थाल लिया दोई हाथा,  
मोतिया कलश सजावे जी ॥

भादवो भक्ति को महीनों,  
गुरु बिना कोन बतावे जी,  
धर्मदास जी री अर्ज विनती,  
चरणों मे शीश नमावे जी ॥

ओल्यू आप री आवे मारा सतगुरु,  
याद आपकी आवे जी,  
याद करू जद रेवो हिरदा में,  
पल पल याद सतावे जी ॥

भजन गायक चम्पा लाल प्रजापति ।  
( मालासेरी डुंगरी ) 89479-15979

Source: <https://www.bharattemples.com/satguru-yaad-aapki-aave-ji-bhajan/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>